

眉州屬志卷二

地理志

輿圖 城池

沿華 公懈

形勝 街坊

疆域 市場

山川 橋梁

驛遞 冢墓

古蹟

自大禹別九州而華陽黑水載入版圖厥後孟津之會遂與羌庸咸列屬籍及秦拒開明而眉之武陽始見於書李冰守蜀決江灌畝西南陸海爰稱沃野矣眉附於蜀當兩漢之時或隸益州或屬犍爲自宋置江陽齊析齊通而郡方有特屬至西魏始名曰眉州後雖朝代疊更變置不一而耑城轄

眉州屬志

卷二 輿圖

一

縣至今不改地當省會下遊左連嘉叙右控黎雅爲東南一藩蔽幅隕之廣不過百數十里而由唐宋以逮元明土田之富物產之豐人才之瑰偉傑出甲於全蜀焉明季兵燹荐歷城市鄉村悉成灰燼我

朝定鼎以來招集遺黎始獲寧宇百數十年甘雨相風休養生息景象亦蒸蒸日上矣夫按輿圖覽形勝考鑒往古揚勵方來亦數典者所不廢也作地理志


輿


圖

眉州屬志

卷二 輿圖

二






眉州屬志

卷二 輿圖

五






眉州屬志

卷二 輿圖







眉州屬志

卷二 輿圖

七






眉州屬志



卷二 城池


八



眉州屬志

卷二 城池





眉州屬志

卷二 輿圖

沿革

眉州

夏禹貢梁州之域周武王時為蜀國春秋戰國時為蜀侯蠶叢地秦武王時為蜀郡地漢為武陽南安屬犍為郡蜀漢定益州分置六郡屬漢嘉郡魏晉置梁益二州犍為屬益州宋置江陽郡蘓轍謂生雖江陽蓋指此蕭齊建武三年始析置齊通郡梁太清二年置青州西魏始改為眉州後周復改為青州尋改嘉州治峩眉縣隋開皇初改齊通為縣曰廣通仁

壽元年改曰通義大業二年復爲眉州尋廢以縣屬眉山郡治龍遊縣唐武德二年析嘉州洪雅合五縣別置眉州治通義天寶初改通義郡屬劍南道乾元初復爲眉州宋亦曰眉州屬成都路太平興國初改縣爲眉山蘇子瞻詩謂眉山其一城元曰眉州屬成都路至元十四年屬嘉定路二十年以州治眉山縣省入明洪武九年降爲眉縣十三年升爲直隸眉州屬上南道

皇清因之領縣三編戶十九鄉

永壽青衣崇仁尙義多悅崇道福全昌澤敦和

眉州屬志

卷二 沿革

十一

崇禮合江懷德永通金流玉山通義城南城西城北

丹稜縣

秦爲蜀郡地漢置南安縣屬犍爲郡南齊置南樂郡後周明帝始分置齊樂縣武帝改曰洪雅隋開皇十二年於邑南洪雅鎮析置洪雅縣以今治爲丹稜取赤崖丹川之義屬眉山郡今嘉定府唐武德二年置眉州隸隸焉宋因之元省入州明洪武十三年復置屬眉州

皇清因之編戶二鄉仁興義勝上下各四里

彭山縣

秦爲武陽地漢高六年分置廣漢郡縣屬焉武帝
元光五年屬犍爲郡蜀漢分置六郡屬漢嘉郡魏
晉犍爲屬益州縣因之梁改靈石縣西魏置江州
周置隆山郡隋開皇初郡廢改縣屬陵州今資州
唐貞觀元年省入通義二年復置割屬眉州先天
元年避諱改曰彭山宋元因之明洪武九年省十
三年復置仍屬眉州

皇清康熙元年併縣入州雍正六年復設仍隸眉州編

眉州屬志

卷二 沿革

十二

戶二十二里

永清廣安公悅通濟仁厚和平福安
登禾順和永豐白鶴節義石佛青龍

忠孝名揚梓潼公義
智信漢安永興保勝

青神縣

秦爲蜀郡地漢置南安縣屬犍爲郡西魏置青衣
縣取蠶叢氏青衣教
民勸農桑爲名後周置青神縣並置青神郡
隋開皇初罷郡以縣屬嘉州唐武德八年移今治
屬眉州宋元因之明洪武九年併入眉州十三年
復置隸眉州

皇清康熙六年併縣入州雍正六年復設仍隸眉州編

戶四里

祥麟瑞芝
三峯蠶叢

形勝

眉州

唐通義志峩眉揖於前象耳鎮於後山不高而秀
水不深而清廣輿記介峩岷之間爲江山秀氣所
聚唐盧拯羅城記坤維上腴岷峩奧區宋張遠霄
詩水突蕃頤灘穿龍爪

丹稜縣

丹邑舊志介岷峩之間位滄浪之乾龍溪環繞於

眉州屬志

卷二 形勝

十三

前澄清而靜鰲山擁蔽於後迎接有情

彭山縣

通志負山帶江二水瀠抱居眉山之上遊作錦水
之保障彭邑舊志古犍爲之地通衢平直

青神縣

通志左環錦江右合濠水中巖三峯列於前龍洞
石佛擁於後

疆域

眉州

東至直隸資州仁壽縣界三十里西至丹稜縣界
五十里南至嘉定府夾江縣界八十里北至彭山
縣界三十里東南至青神縣界五十里西南至嘉
定府夾江縣界七十里東北至彭山縣界四十里
西北至蒲江縣界六十里本州疆域東西距八十
里南北距一百一十里併屬疆域東西距一百四
十里南北距一百五十里至成都省城一百八十
里距

京師五千六百里

眉州屬志

卷二

疆域

十四

丹稜縣

在州西六十里東至本州界十五里西至雅州府
名山縣界四十里南至嘉定府夾江縣界二十里
北至直隸邛州蒲江縣界二十里東南至嘉定府
夾江縣界三十五里西南至嘉定府洪雅縣界十
五里東北至成都府新津縣界六十里西北至直
隸邛州蒲江縣界三十里本縣疆域東西距五十
五里南北距五十里

彭山縣

在州北四十里東至直隸資州仁壽縣界四十里
西至直隸邛州蒲江縣界三十里南至本州界十
里北至成都府新津縣界四十里東南至本州界
二十五里西南至本州界一十里東北至直隸資
州仁壽縣界四十里西北至直隸邛州界四十七
里本縣疆域東西距七十里南北距五十里

青神縣

在州東南六十里東至直隸資州仁壽縣界四十
里西至嘉定府夾江縣界四十里南至嘉定府樂

眉州屬志

卷二

疆域

十五

山縣界四十里北至本州界二十五里東南至直
隸資州井研嘉定府樂山二縣界七十里西南至
嘉定府夾江縣界七十里東北至直隸資州仁壽
縣界七十里西北至本州界五十里本縣疆域東
西距八十里南北距六十五里

山川

眉州

驀頤山州城東七里自象耳山連峰壁立五十餘
里西瞰玻瓈江至此磅礴蹲踞形類驀頤上有淘

丹泉山腹有穴曰龍洞唐末有楊太虛爾朱真人
得道於此輿地紀勝云人日出東郊渡玻璃江遊
驀頤眉之故事也蘓子由有詩見藝文

醴泉山治西八里環繞州城山半有八角井清甘
如醴蘓子瞻有詩云正似醴泉山下路蓋指此
白虎山治東北八里其山壁立臨江秦昭王時白
虎爲害募州人康仲伏弩射殺之因以名山下有
潭亦名白虎潭

快活山治西北九里平地突起高峯百餘丈俗呼

眉州屬志

卷二 山川

十六

爲快活山

石佛山治西二十五里山半有石佛像東坡寄子
由詩卜宅在何許石佛山南路指此

七龜山治西北二十里南北兩山對峙連亘十餘
里中坦平有七峯羅列似龜故名

筆架山治西二十五里三峯峙立形如筆架

盤龍山治北四十里狀如盤龍一名走馬山下有
臘魚堰水

息臺山治西三十里東館鎮北太平廣記昔有叟

偕其子入此山遇一道人因傾酒共飲道人取籍
檢示云爾子壽止十八遂舉筆改爲八十後果驗
牛心山治西八十里山絕頂有觀觀前有井相傳
有道士於井取水煉丹丹成適蒲江縣主簿某至
道士取丹與服之俱羽化而去至今土人呼觀與
井並曰主簿山舊有碑今文多剝落
大旺山治東三十里自驀頤山南趨或起或伏至
此峯巒屹立廻拱州城
連鰲山治西南九十里山相續如連鰲

眉州屬志

卷二 山川

十七

掛榜山治東七里有山屹立似榜俗呼爲掛榜山
相傳州人有登科第者則山發彩嵐以爲驗
廻龍山治西北十里自盤龍山南來或起或伏至
此岡阜高出遇雙河口水折而西旋狀若廻龍然
插旗山治西五十里形類插旗故名
玻璃江在驀頤山下卽岷江源出岷山瑩若玻璃
因名又名驀頤津卽唐田令孜沉左拾遺孟昭圖
處陸游有詩見藝文

松 江治東南二十里自大江分流西南繞州城

與醴泉江合

醴泉江治西八里源自雙河南來繞州城與松江合流入大江

思濛江治南五十里自丹稜縣東流過思濛鄉至青神縣境入大江

金流江治西南八十里源出丹稜東南流經州境金流鄉至青神縣南入大江以其迅急難渡故又名難江

多稜川治西南七十里南接青神地界

眉州屬志

卷二 山川

十八

雙河治西北十里一自盤龍山東臘魚堰一自山西栢椿堰二水相合名雙河口

龍王井治西文明寺週迴二十四井惟東北一井最大名曰龍王井嘗有大蛇出沒其中遇雷雨輒變化飛去歲旱禱雨有應

龍潭治西南二十餘里源自筆架山瀘崩溝東流入醴泉江

哭王灘治東南後蜀孟昶降宋入朝舟過此國人送之而哭因名

老翁泉 驀頤山東二十里其山高大方兩股泉出
兩山之間北附右股之下畜而爲井可日飲百家
宋蘓洵集載十數年前月夜常有一老翁蒼頭白
髮偃息井上就之則隱而入於泉洵甃以石建亭
覆之有銘見藝文
醴 泉在李相橋西泉自山口湧出味甘如醴相
傳飲之能愈疾
白龍池 治西八十里四山環繞其中爲池池久旱
不涸久雨不溢

眉州屬志

卷二 山川

十九

豬龍泉 治南石佛鎮蘓軾別業嘗云百年前有牝
豬二隻伏於此化爲二鯉蓋豬龍也世莫有見者
余偶見之以告妻兄王愿愿疑予誕同禱於泉二
鯉復出

丹稜縣

龜 山治東三里高不數仞舊建武烈王祠於上
桂樹森然宋邑人楊明讀書祠中有記
筆架山 治南二里三峯孤峙形如筆架
長 山治南二十里巉崖孑立上有馬蹄仙跡

鼓面山治南二十里形如鼓面

三峯山治東南二十里中峯極高左右稍下形如山字

鐵桶山治東南四十里四圍險峻唐花卿討賊於此鏖戰不下故名

飄然山治西五里相傳上有爾朱真人丹竈

石牛山治西十五里羣石相連如牛

萃龍山治西三十里

總岡山治西五十里崇峯峻嶺盤折蜿蜒數十里

眉州屬志

卷二 山川

二十

相續不斷其首洪雅其陰雅安名山蒲江其陽爲邑地饒茶桐黃栢五倍居人恃以爲富

龍鵠山治西十五里原自總岡來一名龍鶴山上

有三宮九觀唐楊正見成無爲李煉師得道處

簸箕山治北二十里圓峻而大遠望如箕

赤崖山治北三十里其山高峻色赤有稜狀若飛旗拱揖縣治邑名本此

獨孤山治北四十里其上多霧

連鰲山治東北十五里山相續如鰲之連宋蘓軾

寫連鰲山三大字刻石字畫文許今存

三青山治東北三十里寰宇記名三等山

思量坎治西南十五里俗傳龐居士遊息於此鄉人思之故名

三百坎治西三十里高塏軒豁俯視羣山峩眉瓦屋沫水青衣極目可了居人雞犬桑麻別有風景方言呼阡陌爲坎數盈三百故名

黃金峽治西五十里兩山相夾一峯獨聳上有黃金廟祀許旌陽

眉州屬志

卷二 山川

二十一

千佛洞治西北二十里衆山中巉巖嵌空中鑄佛像千餘頗極清幽之致

果溪峽治北二十里溪崖中刻果溪二字又橋中遊戲四大字不知何人書

關子門治北二十里石磴陡險不可攀半巖有洞洞門一開一闔

龍鵠溪源出龍鵠山海魚溪合下流爲漩潭經邑西北而繞城南合高石梯水入於滄浪東出州界思濛會於江

彝郎川治東二十里彝平也以地平朗得名俗訛
作郎

思濛江治東南二十五里流入州界一名芙蓉溪
滄泔水治南二十里一名金流江又名難灘源自
岢幕山經洪雅界流入丹稜又東四十里入青神
界達於江舊傳水甘如漿病人飲之立瘥

石 河源出高石梯山經十萬丈白喬壩南流與
柏木灘合

洞子口治西三十里一山橫峙下有洞長數丈水

眉州屬志

卷二 山川

二十二

從洞出產魚甚美

柏木灘源出宿溝東流爲劉堰又東南折爲灘又
東歷高河坎合石河經龍灘豬漕灘會於滄浪

三 溪源自蒙山伏流至總岡而出沛於黃金峽
東流爲白龍沱又東流爲洞子口南下爲費河又
東南流爲楊河與石鎮二溪之水合又南流合洪
雅徐河又合洪川爲安河又東經大石礮魏灘至
洪雅安河溪會於青衣江按此溪一名青衣江見
姚少宰三辰蜀輿記或曰其源有青衣井在名山

界

石鎮溪源出盤陀石至羅山大天井其流少沛南流二里至彭壩與相木溪合西流入於楊河

彭山縣

北平山治西北三十里上有天柱峯夜見五色神燈漢張道陵得道於此唐柱光庭詩天柱一峯凝紫玉神燈千點散紅渠

彭亡山治東十里唐元和志周末彭祖家於此而亡故名舊志後漢岑彭討公孫述至武陽營於彭

眉州屬志

卷二 山川

二十三

亡山知而惡之改曰平無後訛爲平模山岑欲徙去會日暮而止是夜爲刺客所殺通志一名彭望寰宇志作彭女山宋義熙元年朱齡石詩譙縱大戰於平模山卽此

金華山治東五里有丈六佛像夜見神燈

東山治東一里虞允文次子公著讀書於此魏了翁爲書東山精舍四字丹稜李壁有詩見藝文

平蓋山治北一里下臨繫龍潭上有平蓋觀

鼎鼻山治東北二里山形曲如鼎鼻故名

象耳山治東北二十五里山形聳秀連峯接嶺上有會昌村下有寶硯磨針二溪龍池蟬泉諸勝
岨峽山治東北十二里導江從南合流而下
磐石山治東北六里上有普照寺藏宋太宗眞宗神宗御書今無崖半有石室
天社山治東北二十里接新津界漢建安間李嚴鑿天社山通東道州舊志山在漢安橋上流
打鼻山治南十餘里劉宋時譙縱據蜀朱齡石討之縱出兵塞打鼻山禦之卽此廣輿記云此乃古

眉州屬志

卷二 山川

二十四

鼎鼻山縣東北之鼎鼻乃其支峯耳

金剛山治西北三十里古名飛鳳山內有寂定禪院今圯

武陽江治東北二里一名汶江

繫龍潭治北後漢時邑人瞿君武入峩眉山得道還家繫龍於潭復乘龍而去上有橋亦名繫龍宋龐籍送石楊休還眉詩巢鳳閣前勞舊夢繫龍橋
上認前題

爾家川石佛山下蘓子瞻詩下有爾家山千畦種

杭稔山泉宅龍唇平地流膏乳

龍爪灘治東北二里宋太平興國間有登科者鄉人送詩龍爪灘開綵纜去蟄頤山看錦衣還

鼓樓灘治南十餘里其水峻急聲若擊鼓

赤水治東一十八里自仁壽縣流經邑境入大江通志載漢建安末黃龍見於此故又名黃龍溪

磨針溪治東北象耳山下相傳李白讀書山中學未成棄去適過此溪逢老媪方磨鐵杵白問何爲媪曰欲作針耳白感其言遂還卒業媪自言武姓

眉州屬志

卷二 山川

二十五

溪旁有武氏崖

毛家河源接石橋河經謝家場西南入州界居民沿河作堰溉田

朽木河通濟堰水合毛家河彙入大江河上有堤曰江魚堤

梓潼河武陽江水分流合通濟堰水至雙江口入大江

六井溝源發象耳山居民沿溝作堰水出鎮江橋入江溝旁有舊塩井六故名

魚鳧津治北二十里

沙頭津治北二十五里

石橋河治北二十里一自新津七星廟發源至金剛山兩河口一自邛州邵家溝東至龍門寺合兩河口一自邛州求子巖發源合魏家口一自邛州五皇寺發源至冒水井合石橋河至謝家堰仰天壺治西三十五里山上有一穴似壺口水從中出四時不竭

龍灘子治西二十里相傳有龍戲水於此

眉州屬志

卷二 山川

二十六

盤龍溪治南三里許溪水灣環九曲冬溫夏涼雙漩河治南五里

青神縣

熊耳山治北門外數丈蜀志望帝以褒斜爲前門熊耳靈關爲後戶卽此

三 山治西北三山屹立

羊棧山治西十八里相傳蜀王使人牧羊於此五渡山治東十里山下繞流屈曲渡處凡五因名金銀凸治東南十八里相傳巨那尊者曾至造磁

器處欲化磁碗一窑令送至三巖山因入火中不見其人送至夢尊者曰遠來無以爲贈某山凸有金銀若干以報尋至果得因名

多稜山治西四十里

兩乳山治東南三十里形如二乳

鵝背山治西四十里形如鵝背

石佛巖治北十里上刻石佛

白虎巖治南白塔寺左右巖峭踞如虎

佛子巖治西十五里巖刻大士像下臨清泉

眉州屬志

卷二 山川

二十七

大青山治東北十五里蜿蜒蒼翠望之蔚然

北界山治北二十五里李膺益州記南安武陽二縣於此分界今名鴻化山

走馬嶺治東南四十里蔚然深秀曲折蜿蜒

大江治北自州東流入縣境南入嘉定

青衣水治南二十里中巖之下卽慈姥巖一名平羌水蘓轍詩想見青衣山畔路白魚紫筍不論錢

魚蛇水治東北二十里源出仁壽界至縣境入江水中產魚似蛇因名

思濠河治西南六里發源丹稜南入於江
金牛河治西三十里源自丹稜南入於江
芙蓉溪治東南兩岸多芙蓉故名
月山沱治西四十里山圓如月下臨深沱在鵝背
山前余肅敏詩上有鵝背月山沱
慈姥溪卽青衣水石壁刻李壁詩見藝文
太公池在治南池旁鐫有太公像
松栢灘治東今名啞婆灘多覆舟之患宋天禧中
知縣張逸禱江神不踰月灘徙五里灘底有橫梁

眉州屬志

卷二 山川

二十八

石塊森立康熙四十五年知州金一鳳狀其險上
之撫憲能公公令募工旁開一徑旋闕塞乾隆二
十九年知縣王承熾鑿上水漕口直長四十六丈
深四尺橫寬一丈舟行始便設救生船一隻水手
六名
洪雅灘治南山石突出水勢湍急舟行至此多磕
損乾隆二十八年知縣王承熾鑿去大石五塊舟
行無碍

城池

眉州

城本唐時故址五代時山行章攝守眉州合五縣之力成之宋淳化中青神縣民李順作亂攻圍半年不下歲久傾圮明成化十七年知州許仁重甃以石高二丈一尺周十里三分舊志八里有奇計一千八百五十四丈並新四門東曰臨江南曰霽雪西曰跨醴北曰登雲正德中知州原道張曰善相繼補修自甲申亂後傾者過半康熙二十四年奉

旨修葺因川省甫定物力艱難畧加補苴尙未復舊迄

眉州屬志

卷二

城池

二十九

今百餘年來四圍坍塌殆盡惟城基畧可辨識會嘉慶元年九月達州教匪滋擾川東北州縣城邑戒嚴知州涂長發爰聚州之紳士耆老議爲修築計僉以費鉅未可輕舉爲辭緣軍興以來州例僱里夫五百名供臺站輓輸之役里下按月應給口糧銀千餘金州牧因懇於方伯林公爲轉請於司軍儲者得免其役遂移此項爲修城費乃設局神祠令老成紳士數人董其事凡斂於民給諸工者謹司出入無令侵漁始事於嘉慶三年三月至

五年八月功竣計城身雉堞高一丈七尺城洞長二丈四尺城基寬二丈二尺頂寬一丈二尺外包以石上椎三合堅土因城東南舊址被水嚙傾圮移築向內周圍共一千七百四十丈用費六萬二千兩有奇重建四門內外城廂各留火馬道丈餘每門設營房一座撥兵壯守之以司啓閉上設譙樓規模聳峙稱壯觀焉

丹稜縣

古無城郭明成化丙午知縣楊昺勅築土牆後令

眉州屬志

卷二

城池

三十

陳鏡湯克諧相繼成之濶一丈崇一丈五尺圍三里計五百四十丈正德中僉事赫玉鄉州舊志作盧翊檄

知縣劉臣包砌以石知縣袁瓊又增修之宏治七年知縣江謙就崩圮處更加補葺新其四門東曰迎曦南曰文明西曰阜成北曰武備甲申後燬塌無存

國朝知縣張廷秀至始招集居民掃蕪渠巷城垣乃出猶頽廢如故康熙三十三年知縣盧帝臣增修遂漸次復舊後復倒塌乾隆十年知縣黃雲陸續

修補建設四門以時啓閉二十五年知縣李光泗捐修東西南三門城樓次年時雨暴至濠水漲浸埧二十餘丈光泗復募工修補如舊其池隍城西卽龍鵠溪南卽滄浪堰東舊有濠北郊皆山戒嚴時濬濠以障之

彭山縣

舊土城週一千餘丈明成化中知縣樊瑾修建正德中僉事盧翊包之以石門四東濯陽西臨邛南望眉北通津外環以濠兵燹後城圯康熙元年歸

眉州屬志

卷二

城池

三十一

併眉州雍正六年復設凋殘之後未復舊制僅存石址歷任詳請修復估計銀一萬六千餘兩奉文以公帑未充緩修乾隆間知縣張鳳翥修補頽缺築以土墻建城樓三旋圯嘉慶元年知縣倪鼎銓復修東南二門樓

青神縣

明天順間知縣任廣鄭瓚相繼築土城正德初知縣曾鼐增修嘉靖初知縣楊麟包砌以石高一丈二尺底寬一丈四尺頂寬九尺周四里三分計七

百八十三丈門四青陽聚奎麟西鴻化外環以濠
兵燹後漸次倒塌堞口無存乾隆十三年奉文估
計歸入緩修二十八年知縣王承熾倡勸捐修另
造四門重建城樓資捍蔽焉

公廨

眉州

州署在城東北明洪武四年知州張伯剛建景泰
中增修明末被賊焚燬

國朝知州何芳聲鼎建州堂三楹康熙初知州趙蕙

眉州屬志

卷二 公廨

三十二

芽十一年知州趙旭二十二年知州董永荃四十
六年知州金一鳳四十七年知州徐德俶五十五
年知州張漢乾隆四十二年知州蔡宗建歷任增
修始稱完備前爲儀門左右爲書吏八房儀門外
右側爲土地祠左爲州吏目署設內外監獄又前
大門上爲鼓樓八房後爲常平積貯倉廩舊在北街係董
永荃建後 大堂內爲二堂左右廂房各三間堂左
東書房三間前建樓一座爲媿遠樓堂右西廳三
間再右小書房三間後射圃小廳三間二堂後爲

住宅三間左右廂房各三間宅右正房五間後一層住房五間再後小屋三間宅左爲廚房外爲馬廐署後隙地數畝中高聳者爲遠景樓宋郡守黎希聲遺蹟也乾隆四十六年知州蔡宗建復修下有蓮池夏月花開最盛

州判署舊在州左因康熙初年將州判員缺裁減遂改爲吏目署雍正九年復設州判衙署原建於蘓祠左邊後屋宇傾圮乾隆二十五年州判王珩捐貲置買西門內夏姓地基一區改修衙署大門

三間儀門三間左右書吏房各三間大堂三間二堂三間東書房三間西書房三間廚房三間三堂三間五十一年州判竇玉樞重修

吏目署舊在州堂右後改設州判署內康熙七年吏目孫維憲建旋圮三十五年吏目李呈祥重建照牆大門三間後廳五間退廳三間左廂房三間五十年吏目嚴世傑復建右廂房三間

儒學署一在文廟左一在文廟右

駐防把總署在西北隅

僧正司在寶華寺內

道正司在玉清觀內

布政司分司在蘓祠左今廢

按察司分司在吏目署左今廢

察院公署在小東門內康熙四十二年知州金一

鳳建今廢

魚鰲鎮巡檢司在州治東南河今裁

申明亭在州署左

演武廳在州治北

眉州屬志

卷二 公廡

三十四

養濟院在城北舊燬乾隆四十三年知州蔡宗建
修屋三間留養孤貧向無經費歷任州牧捐貲贍
給

丹稜縣

縣署在城北隅南向明洪武中知縣孔克宜建正
廳三間左架閣庫一間右幕廳一間東西六房各
五間儀門三間左吏舍右禁房各一間譙樓三間
後宅悉如制天順中知縣楊鐸修戒石申明旌善
三亭東西榜房三十間中門一座成化六年知縣

李璣立敷政坊一座十四年知縣郭智建四牌樓
於治前後盡燬於賊知縣江賓玉至草立堂室稍
可聽政我

朝知縣張廷秀復建大堂三間後堂內宅各三間儀
門鼓樓皆備後日卽傾圮蒲江令張曉攝縣事修
葺如舊乾隆五年知縣葉時叙建西晝房三間十
年知縣黃雲修整門樓大堂東西書吏房十間東
書房三間川堂三間及內署俱各補葺二十二年
知縣宋惠綏於西隅隙地增建餘墅三間左整暇

眉州屬志

卷二

公廨

三十五

軒右箭亭後綠陰深處八角亭後左聽雨亭中爲
蓮池二十四年知縣李光泗重加修整

典史署在縣署左

儒學署在學宮側

演武廳城東南里許古鎖江廟故址

常平倉縣署內計十二間

監倉乾隆四年添造三十間十一年奉文估變十
九間存十一間

養濟院乾隆二十六年知縣李光泗建房三間

彭山縣

縣署雍正六年復設頭門三間門內土地祠三間
儀門五間左右書吏房六間西爲監獄大堂三間
東爲庫房西爲賓館二堂三間三堂三間西廂房
三間東廂房三間知縣馮鄴建西書房三間東書
房三間內東西廂房各三間廚房三間馬廐三間
茶房三間知縣張鳳翥修嘉慶元年知縣倪鼎銓
復捐廉重修

典史署頭門一座二門一座大堂三間內室三間

眉州屬志

卷二 公廨

三十六

書房三間書辦房三間

儒學署在學宮內

常平倉四十八間在縣署後

演武廳在西南城隅

青神縣

縣署城北隅南向雍正六年復設左右書吏八房
大堂二堂內房東西書房規制悉備乾隆二十七
年知縣王承熾增建八房公廨前簷庫在大堂後
右側監獄在大門內右側

典史署舊在縣左側今改在察院公館舊基

儒學署在學宮側

演武廳在城北五里知縣王承熾建

常平倉三間縣署左

監倉四十八間縣署左

養濟院縣城南街後巷乾隆二十八年知縣王承

熾建

街坊

眉州

眉州屬志

卷二 公廡

三十七

正東街 小東街 正南街 中南街 正北街

十五字口舊州有趙秉淵樓重乾隆五 小北街 正西街

丁字口舊有樓相傳李太白題詩於上 吳府街

節傳都堂吳 桂香街 按舊志無正北小巷以桂

補街並正北二街

魚市巷 木市巷 馬草巷 小菜巷 四賢巷

堂故有四賢 經書巷 學宮巷 舊志載觀後小宮

補入巷 三蘓巷 紗線巷 在蘓祠側按東坡別集

此 環湖巷 舊志有城內有紗線巷俱無可特訪

補入

道姑巷 祖師巷 紫竹巷 壁山巷 城
隍巷 孤老巷 猪市巷 漏澤巷

州城內舊有石牌坊俱傾圮僅存石柱無可考惟
北門有眉山古治坊知州蔡宗建立南街有三蘓
遺址坊知州趙蕙芽金一鳳蔡宗建先後重修北
街有戴李氏節孝坊

嘉慶二年立
戴正誼州民

丹稜縣

城中街衢明成化六年知縣李琥用石修砌平整
四達以東西南北爲名市田之合小南街城隍街

眉州屬志

卷二 街坊

三十八

署前十字街東西二巷七街二巷乾隆二十六年
知縣李光泗於東街近城右側北街近署左側小
南街街首西街巷巷口各設柵欄一所以時啟閉
宣化坊治前承流坊布政分司前正紀坊察院分
司前鄉舉坊儒學前爲張司明立
以上俱廢科甲坊治前爲
進士黎芳立講約樓一座在治前十字街米市左
知縣李光泗建

彭山縣

城內分東西南北爲四街市因之縣署右爲小北

街縣署後爲龍興巷學署右爲小南街有黃氏節孝坊在北街

青神縣

城內街衢舊係碎石填砌稜峭高低乾隆二十八年知縣王承熾倡勸捐修用石塊修砌平整以東西南北爲名市因之合小南街學署街十字街於四街通衢設立柵欄四座以時啟閉

文明坊東門內地宮坊十字街前太史坊北街少方伯坊小南街整綱肅紀二坊以上俱廢

眉州屬志

卷二 街坊

三十九

場市

眉州

王家場太平場石佛場今廢洪廟場麻柳場金花

場三清場以上東路吳家場二郎壩場今廢永通場順

江場松江口思濛場吳家場吳家街龍興場東瓜

場以上南路秦家墩韓家場白馬鋪萬勝場伏龍場東

館鎮盤鰲鎮觀音場晉王場以上西路太和場多悅鎮

黃豐場土地場回龍場富順場以上北路

丹稜縣

羅家場治西四十里興隆場治西四十里白岩場
治西北四十里高橋場治西三十里宿衆場治西
二十里母家場治西三十五里龍鵠場治北十里
石橋場治北二十里高興場治西北十五里何家
場治南十五里牛皮場治南三十里今廢楊家場
治南四十里黃家場治東南三十里孝和場治西
八十里

彭山縣

青龍場治北三十里雙江場治東十里江口鎮治

眉州屬志

卷二 場市

四十

東十五里黃豐場治東三十里謝家場治西三十
里公義場治西北二十五里保勝場治西北

青神縣

正陽場治南三十里漢陽場舊名治南三十里劉
家場治南二十里土主場治西三十里桂花場治
西二十里吳鳳場治西二十里賈家場治北二十
里蓮花場治北二十里公義場治北二十里永盛
場治北十里青龍場治南三十五里

橋梁

眉州

永興橋治南舊名栢木橋康熙初知州趙蕙芽重建易今名

迎恩橋治東舊名放生橋一名永濟橋明宣德間建今廢

離別橋治西

通惠橋治西知州金一鳳重建

通津橋城內學宮右城渠水注泮池復自東南水洞注江故名今廢

眉州屬志

卷二

橋梁

四十一

三蘓橋卽三橋鋪治南十里知州金一鳳重建以近三蘓故里故名

李相橋治西八里跨醴泉江宋學士李燾建康熙四十六年知州金一鳳重修

石橋治西五十里宋尙書李壁建

種德橋治南十五里

登雲橋治南二十五里

老女橋治西三十五里

張公橋治南七十里金流玉山永通三鄉士民捐

修

丹稜縣

放生橋治東二里乾隆二十六年監生陳肇修重建

迎恩橋治東二里明成化丙戌建

德化橋舊在南門外明成化中知縣楊鐸創造木橋後知縣湯克諧易之以石更名永安康熙中邑紳彭萬崑請於知縣盧帝臣移至今處曰南橋後知縣黃雲及李光泗重修

普濟橋西關外跨龍鵠溪上明景泰間市人余慶勗建成化丙戌知縣楊鐸更修木橋三間宏治間知縣湯克諧易之以石更名西成乾隆十年及二十八年被水衝圯知縣黃雲李光泗前後修復李勒石爲記

小石橋治西南十五里

大石橋治西南二十里康熙五十三年典史馮光宅乾隆二十六年知縣李光泗先後修葺

滙櫺橋治西三十里舊傳元代田氏所建故名田

橋乾隆九年補修掘得萬歷時碑額曰滙橋
楊河橋治西三十里乾隆八年里人張鳳翼楊開
先等募衆建

興福橋治西三十里乾隆六年里人何文運安志
偉彭如岡毛笏等募建

彭山縣

忠孝橋治北五里舊有漢張綱晉李密祠故名前
知縣張綽馮鄴先後修建乾隆十七年知縣張鳳
翥更建石柱長橋方購木爲梁忽沙岸崩裂現大

眉州屬志

卷二

橋梁

四十三

木二段數百年物也咸謂神助遂斲爲梁造橋亭
十二間前後建坊各一顏曰埋輪芳蹟忠孝遺風
松茂觀察張之俊爲記橋墩上鐵石犀各一用鎮
水患乾隆三十四年知縣徐德元重修

埋輪橋治北二里埋輪張綱事也因以名橋一云
漢朱遵與公孫述戰於六水門先埋其車輪於此
橋因以名知州金一鳳重修按縣北今無此橋忠
孝橋亦呼埋輪或舊志誤分爲二歟

麒麟橋治南後漢朱褒獲麟於馬頰嶺因以名橋

一名任公橋

觀音橋治西十五里知縣張綽重建

板橋治西南二十里

梓潼橋治北二十五里乾隆二十一年知縣張鳳翥建年久將圯乾隆三十四年邑人黃鳳羽帥廷選捐貲重修

垂虹橋卽鎮江橋在治東江口鎮乾隆二十一年知縣張鳳翥建上覆橋亭四間前後建坊學博□我師爲記

眉州屬志

卷二

橋梁

四十四

洪塔橋治西北二十里洪塔寺前僧祖印修

栢木橋治北四十里

青神縣

東門橋

南橋南門外里許

小南門橋

夫人橋城外東北隅

青羊橋東門外

牟家橋治西五里

黑龍橋治北十里賈姓募修

蔣家橋治東三十里

高橋治西五里鄉人公建

驛遞

眉州

明舊額眉州水驛石佛水驛武陽水驛彭山水驛
青神水驛兵燹後俱廢

國朝開復全蜀督撫因時度勢酌量衝僻於順治十
八年康熙二年六年三次

眉州屬志

卷二

驛遞

四十五

題請額設眉州南至夾江縣八十里北至武陽驛九
十里二處站馬四匹馬夫二名扛夫六名歲支工
料銀八十四兩九錢六分雍正八年裁減馬二匹
馬夫一名存留馬二匹馬夫一名雍正十年並馬
夫扛夫裁革設鋪司兵遞送公文總鋪在州治內
東十里紅花堰鋪二十五里西河口鋪交青神界
南十里三橋鋪二十里松江口鋪三十里里山鋪
四十里恩濛鋪五十里左溪鋪六十里金流鋪七
十里陰山鋪八十里土門鋪交夾江界西十里李

相橋鋪二十里白馬鋪三十里東館鋪四十里石
橋鋪五十里梓潼寺鋪交丹稜界北十里梓潼鋪
二十里龍安鋪三十里界牌鋪交彭山界額設鋪
司兵二十八名

丹稜縣

總鋪縣東門外東五里梓潼寺鋪十五里石橋鋪
交州界南十里石馬鋪二十里烏尤鋪交夾江界
西五里利涉鋪十八里高家場鋪交洪雅界北二
十里麻柳鋪交蒲江界四路鋪遞舊設鋪司共十

眉州屬志

卷二

驛遞

四十六

六名後經裁革今奉文設底塘雙路平山三處鋪
司傳遞東路由州至省公文

彭山縣

總鋪在縣治內南十五里焦觀鋪交州界北十五
里觀音鋪二十五里梓潼鋪三十五里栢木鋪交
新津界

青神縣

總鋪在縣治內東五里白菓渡鋪二十五里三清
寺鋪交井研界南二十里劉家場鋪三十五里新

路口鋪交樂山縣界西四十里土主廟鋪交夾江
界北十里青竹鋪二十里鴻化鋪三十五里松江
鋪交州界

古蹟

眉州

齊通城州治北南齊建武初置郡及縣隋初廢郡
改縣曰廣通又改曰通義唐爲眉州治後改州爲
通義郡

裴 城州治東昔有裴氏者曾築此城故名今廢

眉州屬志

卷二 古蹟

四十七

洛 城東北三里相傳後漢時築今廢

卧牛城卽州治孫北雜記宋淳化中李順攻之不
下郡人呼爲卧牛城宋時遍植芙蓉又名芙蓉城
張遠霄宅州西北後歸蘓氏又歸蒲氏園中有雙
檜李石詩野草閒花不計年亭亭雙檜徑參天讀
書却得騎鯨客買藥來尋鶴髮仙

蠶 市蜀本蠶叢故國民俗重蠶事每歲二月望
日相聚鬻蠶器於此因作樂縱觀泊暮而散故名

蠶市

雁塔碑州學櫺星門外東西二塔宋乾道間建士之登科第者題名於上明景泰四年及康熙四十四年知州金一鳳先後建亭覆之

小桃源州治南門外村墅多竹籬茅屋小橋流水夾以桃柳遊人汎舟其間謂之小桃源東坡詩髣髴城南路繁花撲石頭穎濱詩清江入城郭小浦生微瀾卽此

瑞蓮池在蘓祠內昔老泉種蓮其中後每開並蒂花則爲州士科名之兆康熙間州牧趙蕙芽建觀

眉州屬志

卷二

古蹟

四十八

蓮亭於池上成都守冀應熊書瑞蓮池三字於額仙翁洞墓頤山中唐張清子深於易理讀書於此洞中嘗出紫芝白蟹甚旱水不涸每禱雨立應元阿朝寶有記

龍 洞治南三十里有龍潛其中遇雷雨或飛騰元張清詩山畔龍湫隱約間卽此

老翁井在墓頤山下一名老翁泉又爲四目老人眞府唐未楊太虛爾朱眞仙皆得道於此傍建祠有四目老人及二仙像東坡有詩見藝文康熙六

年知州趙蕙芽書老人泉三字於石

玉 津治東四里陸游詩玻璃江上送殘春疊鼓
催帆過玉津

三蘓故宅在城南明洪武中卽其地建三蘓祠甲
申後燬於兵康熙四年知州趙蕙芽重建有記四
十二年知州金一鳳五十四年署州事黃元煥復
加修葺更建兩廂池亭及木假山堂門道圍墻畢
備外建石坊祠內古榆一株相傳老泉手植

書 樓治西唐光啓初州人孫長孺建爲藏書之

眉州屬志

卷二

古蹟

四十九

所僖宗御書書樓二字賜之長孺四世孫降衷宋
初授眉州別駕因市書萬卷貯之六世孫闢重修
魏了翁作記

遠景樓州署後宋郡守黎錞建蘓軾有記

後樂亭在遠景樓左明御史張景賢建有雙瑞詩
勒石亭中

景蘓樓治西宋司農少卿陳曄總領蜀餉過眉爲
蘓氏父子建

春風樓在驀頤山宋時建

明霞閣在驀頤山亦宋時建

臨風閣治內宋沈迥詩烟霞生座右林沼匝城隈
賦此

嘉祐閣在遠景樓西宋建元至元間郡守張洪重
修刻和陶詩及李龍眠所畫東坡像

四賢堂州學西宋建繪孫抃及蘓氏父子像於內
族譜亭治西南七十里修文鄉蘓氏祖塋之側老
泉有記

岷峩亭在驀頤山宋建以介岷峨之間故名

眉州屬志

卷二

古蹟

五十

百坡亭治西宋建取蘓詩散爲百東坡之句以名
雪 臺在遠景樓前宋郡守黎錞築

環 湖治西舊有沼州人爲缸梁塞之魏了翁爲
守特疏鑿之其西爲洞曰西港又西爲傳館館之
東松菊亭又東北爲雪橋橋之東爲起文堂合而
名之曰環湖了翁爲記

翠洞書臺環湖西魏了翁築

披風榭在起文堂東宋建中繪東坡像

江鄉館治東玻璃江畔舊名共飲亭宋邑宰胡文

靖建爲燕賓客之所嘉定間魏了翁爲州牧更拓之改名並爲記

東館治西五十五里宋紹興初州士倣古鄉校創爲肄業之所馮時行爲記元至元間重建

雙鳳堂治內宋雅州刺史宋汝霖爲二蘓建

類孝亭治內旌胡文貴等六人宋寶元元年建

雲巖石鼓州大江東北岸近雲巖寺下江沙中得巨石鼓一高三尺圍六尺許形製殆類岐鼓狀但無紀畫可考豈爲波濤所蝕乎僧舉置廡下寶重

眉州屬志

卷二 古蹟

五十一

之

夏岫嶼碑舊刻建州學宮內

漢黃龍甘露碑建安二十六年立輿地碑目云在隆州籍縣江口墨寶云在眉州彭山縣本朝人題云時以甲辰歲治平三月二十七日轉移此碑蓋從隆州移置眉州也額題云黃龍甘露之碑六隸字隸續云碑亦有穿高五尺餘廣二尺文十四行惟首行有建安二十六年數字可辨建安二十五年漢祚已終次年四月蜀主方稱帝改元則辛丑

之春蜀人猶奉漢代正朔故有建安二十六年之
文碑陰存者上兩橫三十人可辨者侍中議郎從
事史中郎將數十餘人兩橫之下崇寧中爲王時
彥所磨刻其說

南康郡王紀功碑唐貞元十三年建碑原在龍興
寺乃皇太子誦書天聖五年移在州治前

眉州創羅碑記唐大順二年盧拯撰

城東貢院碑寺殿建於唐時後爲貢院有唐及五
代二碑

眉州屬志

卷二

古蹟

五十二

宋大池院題院去眉山十里東坡嘗過之今柱上
有手書云自老翁井還偶憇治平丁未十二月七
日子瞻十八字

馬券碑山谷跋

乳母碑二碑俱東坡書舊刻蘓祠見藝文

畫像碑李北時畫東坡像舊刻蘓祠

眉州古志孫汝聽編

通義編家安國編

江鄉志張伯虞編劉光祖序

丹稜縣

齊樂郡城治東南二十里齊置郡後周改爲縣
洪雅城治東五里卽後周齊樂縣隋置洪雅縣屬
眉州唐初以縣置犍州後廢

柵頭鎮治南四十里有書院夫子廟宋紹興間縣
令馮時行建並記元至大間縣令張文桂重葺廣
陵黎采爲記右有花卿祠悉廢石碣存焉

茅市鎮治西十里宋進士程安程定居此鎮東有
刺史墓

眉州屬志

卷二

古蹟

五十三

九龍洞在柵頭鎮之南洞中有石碣石竈上有峯
巒如太湖靈壁之狀

龍涎洞在龍鵠山天柱峯下乃成無爲楊正見李
煉師修真處宏治中學使王敕書龍涎洞三大字
並記

巽 崖治北十五里宋紹興間李燾讀書於此孝
宗御書賜龍鵠山三字刻石

大雅堂治南三里宋黃庭堅謫戎州嘗曰安得竒
士盡刻杜甫兩川及夔州詩使大雅之音復盈三

巴之耳哉邑人楊素因請庭堅書杜詩刻之覆以
堂名曰大雅黃爲作記明宏治中巡按御史史榮
華重建並刻像於石後燬

朝陽閣龍鵠之東一峯獨峙橫插天半東坡有詩
吞雲樓巽崖西宋李裊建

鴈 湖治北五里俗名金鴨池宋李壁鑿廣二畝
許其旁花木極盛中多梅

翠碧軒治西南三里宋忠祐侯史克恭建
雙荔堂治西李燾父子遊憩之所

眉州屬志

卷二

古蹟

五十四

龍鵠山成鍊師植松碑唐天寶元年建

夷獠誓碑寰宇記在洪雅縣市中

香山古畫興福寺中殿壁高二丈寬丈餘後畫香
山乃大悲出家始末也宮殿樓臺山林人物威儀
器仗妙絕入神寺建於宋紹興中數百年如新真
宣和名筆也

彭山縣

武陽故城治東十里蜀紀秦惠王使張儀伐蜀開
明拒戰不勝退走武陽獲之卽此漢置武陽縣屬

犍爲郡王莽改曰戢成建武十一年岑彭破公孫述將侯丹徑拔武陽是也

犍爲故城治西北五里漢建元中築昭帝時自夔道移犍爲郡治武陽卽此齊又移郡還治夔道以武陽屬之隋志隆山縣舊曰犍爲西魏改曰隆山蓋梁時改武陽曰犍爲取故郡爲名西魏改置隆山而故城始廢也舊志云晉又遷郡治夔乃改武陽犍爲爲縣宋末省

江陽故城治東十餘里宋置江陽郡仍置江陽縣

眉州屬志

卷二

古蹟

五十五

爲治齊因之隋志隆山縣舊置江州後周省州置隆山郡開皇併江陽縣入蓋江州本置於江陽故取以爲名周時改置隆山郡而江州及江陽郡皆廢開皇初始併廢縣也

綿水廢縣治東南十餘里後魏置周武帝時改曰白水隋廢

樂城治東北寰宇記彭山縣有樂城漢何斌爲蜀郡太守築

彭祖宅治東北象耳山

東山精舍治東宋虞公著讀書於此魏了翁題壁石 倉治東北二十五里半山石壁間有崖竇如蜂房相傳竇中常出米崖上鐫石倉米洞四字八角井在平蓋山下相傳羅公遠嘗淘丹於此李白讀書臺治東北象耳山李白讀書於此上有石刻白書云夜來月下卧醒花影零亂滿人襟袖疑始濯魄於冰壺也

范鎮讀書臺治東北五里磐石山宋范鎮讀書其上有石刻見藝文

迎江閣治北三里許平蓋觀前昔名望江樓乾隆丁未年署令陳懋勤重修改今名

漢張氏穿中記建初二年隸釋云武陽城東彭亡之巔耕夫鬪地有聲尋罅入焉石窟如屋中立兩崖崖柱左右各分二室內有題識三其一漫滅一柱三十五字一柱四十九字其一則張公賔之妻之穴也其子偉伯及妻與孫陵皆祔葬右方曲內中其一則偉伯之孫元益葬其父長仲并弟叔元所志開時紹興丁丑年也

漢永初官鑿文文一行七字云永初七年官鑿隸
續云范至能在蜀得其二惟七及官字文有反背
不同重有十八斤眉人掘武陽故城得之

漢黃龍甘露碑額題云黃龍甘露之碑六隸字隸
續云碑中有穿高五尺餘廣三尺文十行僅有數
字可辨羣臣列名居石之二上下四橫每橫二十
餘人可辨者侍中二人司徒尙書五官中郎將大
中中散大夫博士各一人議郎四人安漢鎮東等
將軍二十餘人碑側題太守李嚴并丞令二人華

眉州屬志

卷二 古蹟

五十七

陽國志云建安二十四年黃龍見武陽赤水乃立
廟作碑

漢楊洪碑漢犍爲太守碑在今縣北小板橋

唐北平山碑在縣之北平山大書北平山治之碑
餘不可讀碑陰書大唐上元二年道士施士衡筆
新移彭山縣碑唐會昌五年樓旦撰

宋寺壁古畫眉州人程承辯工畫人物鬼神孟蜀
廣政年間於彭山縣洞明觀畫天蓬黑殺元武火
鈴一堂象耳山堂遊變神鬼一堵竒絕當時

青神縣

青神故郡治南二十里周置隋開皇初廢屬眉山郡唐屬眉州

青州城治南梁置西魏改曰眉州在嘉定界內石筓中巖山半三石突起其形類筓宋元徽中有異僧入牛頭寺主僧厚禮之別去贈以一鑰曰後欲見我當至中巖山石筓邛之後僧以鑰邛之峰裂而三乃見異僧其內知州金一鳳刻文峰鼎峙四大字於石

眉州屬志

卷二 古蹟

五十八

慈姥巖治東五里下臨青衣水有石刻李壁詩上巖治東南十八里山之上巖有三石筓鼎峙宋蘓東坡嘗讀書於此巖東北有垂拱寺下嘗有龍聽僧講經宋范鎮馮時行有詩見藝文中巖去上巖二里許卽巨那尊者道場下有喚魚池客至撫掌魚羣出宋陸游詩春枕悠悠夢何許兩枝筓竹喚魚潭巖上東坡書喚魚池三大字邵伯溫書中巖二隸字有羅漢洞又有石竅若牛頭上書牛頭一竅四大字相傳此竅透潼川府蓋

巨那徃來遺跡

下 巖去中巖四里許有水月樓翼然江上登臨時但見天空水底月印波心翠竹穿溪流泉响石邑中勝景也

小中巖由上巖經書樓下嶺有小中巖寺前石門額有虎橋二字景最幽雅遊人多至

流杯池中巖水從石壁湧出因鑿池流觴黃山谷有玉泉銘刻崖上楊升菴有詩 本朝知州趙蕙芽有詩并序刻石

眉州屬志

卷二

古蹟

五十九

龜 溪治東北四里相傳古有瑞龜見則年豐

紅鶴池治西二十五里一名瑞鶴池

石寶村治南二十五里相傳明時大水淹三日始退遺一石寶高三尺光圓滑潤故名

龍女井治北二十里有龍女寺建於唐舊傳寺有井僧講經龍女從井中出聽因建寺有龍女禪林坊

龍 泉治南三十里

虎跳坡治南三十里俱見余肅敏詩

長池治東北里許遇旱不涸

响水洞治東北三十里

麒麟院在治之長泉鎮僞蜀時有麟見於井是歲王衍僭立以爲祥卽此地建院

借景亭署後舊有亭下瞰史家園園多佳景黃山谷常遊此題曰借景賦詩云當官借景未傷民恰似鑿池取明月

清風閣縣署內宋時建黃庭堅題額

繼瑞堂署內宋建炎間縣令劉濬卿因署產靈芝

眉州屬志

卷二

古蹟

六十

作堂以覆後呂彥章爲令復產芝乃重建此堂因名

白塔治南十里塔下有寺名白塔

藤籬治西四十里大悲寺有大藤盤結如籬迎風有聲悠然成韻余肅敏詩大悲寺裡長藤籬是也

宋青衣古畫孟蜀廣政間蒲延昌於青衣神廟畫鬼神人物數堵曲盡其妙

冢墓

眉州

唐

花卿墓
人在彭東山館今鎮屬通州志界載

宋

孫抃墓
治南石

蘓洵墓
山墓下頤玉山東迴二十植里青松翁三泉萬裁軾明詩老承

州勛金有一修鳳墳訪祠於記老亂後山復下蕪得康熙更四修十葺一置年祀知

共田一嘉百慶八四十年八九畝月零紳蘓士墳公山同田丈量畝註零蘓蘓祠本田

共城十田二十畝五六畝分零零共山地二百七畝三百零六畝塘零六山口

眉州屬志

卷二 冢墓

六十一

住場共焚六百修三十葺二祠二字畝之零用給佃戶按田畝交租爲

楊素墓
治山北舅十五里題墓係魏

楊成墓
治北里

李皇墓
入棲丹雲寺今旁屬通州志界載

白鶴翁墓
治西四里

萬人冢
治南眉民末丙戌埋之賊

義冢
治西五里嘉慶二年奇知州涂見長藝文涓

丹稜縣

宋

唐彦通墓治山西鼓

唐庚墓治山西飄

李燾墓治北縣黃二雲十里龍誌鵠山下

史通墓治南石馬十陵五

程掌墓治山西蘓

樊漢炳墓治北石牛山許文奕

李厘墓果山溪下峽天

李歪墓治南寺三旁十里

李壁墓龍鵠山玉

眉州屬志

卷二 冢墓

明

黎龍墓在贈柵中頭憲大以夫子芳

黎芳墓北家門塢外

彭山縣

周

彭祖墓在仙彭曳亡尾山泥舊有老祠更蘓安轍詩世猖乘狂雲戰人國不古

見空墳聊復重葬為衣冠乾並隆二閣以一祀年

漢

張綱墓岷一峽鳳山重東修知州

晉

李密墓治北州忠金孝一橋鳳側重康熙

宋

程義士墓祝之家山有古名碑書人重義修士程

明

莊懿王墓治東王磐之石山明

五子墓象耳第五山明之內墓江

王孝子墓彭上女書山明古孝子殘王毀公僅存谿之屋墓有碑字卧無

考

眉州屬志

卷二 冢墓

六十三

國朝

岳昇龍墓官提督四川

岳溶墓官俱葬山金剛巡撫

青神縣

明

余子俊墓長泉院後麟

余承勛墓治東芙蓉溪五里

王一麟墓治南馬四嶺十里

萬人冢治南而五里之獻約計屠一城畝縣